

Radunanza da la plaiv 2/2022

Mardi, ils 22 november 2022 a las 19.00 h illa baselgia San Luzi, Zuoz

Tractandas :

1. **Bivgnaint**, reflexiun e constataziun
2. **Büro electorel**, scrutinadurs
3. **Infurmaziun** protocol radunanza da la plaiv dals 24-5-2022
4. **Tschernas perioda d'uffizi 2023 - 2026**
 - 4.1 President
 - 4.2 6 commembers per la suprastanza
 - 4.3 3 commembers per la cumischiun da gestiun
5. **Tscherna commembers Grand cussagl evangelic**, perioda d'uffizi 2022-2026
6. **Tschernas da ravarendas**
 - 6.1 Ravarenda Didier Meyer, ravarenda a Samedan
 - 6.2 Ravarenda Thomas Maurer, ravarenda a Schlarigna ed a Puntraschigna
7. **Finanzas**
 - 7.1 Plan da finanzas e planisaziun d'investiziuns 2023-2027 (infurmativ)
 - 7.2 Preventiv 2023*
 - 7.3 Preventiv d'investiziuns 2023
 - 7.4 Pè d'impostas 2023
8. **Approvaziun quint annuel 2016 il Binsaun**
9. **Cronica «refurmo» Plaiv d'Engiadin'Ota**, credit Fr. 105'000.00
10. **Varia, reflexiun e pled finel**

1 . Bivgnaint, reflexiun e constataziun

2. Büro electorel, scrutinadurs

3 . Infurmaziun protocol radunanza da la plaiv dals 24-5-2022

Il protocol da la radunanza da la plaiv dals 25 meg 2022 po gnir retrat/consulto tar las baselgias indichedas. El po eir gnir let suot www.refurmo.ch (be in lingua tudas-cha). Il protocol nu vain prelet düraunt la radunanza da la plaiv.

4 . Tschernas perioda d'uffizi 2023 - 2026

Per la fin da l'an curraint haun demischiuno:

- Gian Clalüna, president (circul lejs)
- Kurt Fischer (circul d'immez)
- Martina Godly-Marugg (circul Plaiv)

Ultra da que es vacanta daspö ün an ün'ulteriura sedia dal circol d'immez.

Sün proposta da la radunanza da la plaiv dals 25 meg 2022 ho la suprastanza instituieu üna cumischiun da recrutaziun suot la direcziun da Hans-Peter Uehli per las tschernas. Las novas candidatas/ils novs candidats vegnan preschantos in occasiun da la radunanza da la plaiv. A sun da tscherner:

4.1 President

4.2 6 commembers per la suprastanza

4.3 3 commembers per la cumischiun da gestiun

A candideschan ils seguaints commembers:

- duonna Susanne Robbi (presidentafin uossa)
- duonna Paola Fliri (fin uossa)
- sar Hans-Jürg Buob (fin uossa)

5. Tscherna commembers Grand cussagl evangelic, perioda d'uffizi 2023-2027

La plaiv «refurmo» tscherna adüna trais commembers i'l Grand cussagl evangelic. Ils commembers refurmos dal Grand cussagl dal chantun Grischun sun già ex officio commembers dal Grand cussagl evangelic.

La suprastanza propuona per la tscherna:

- president/a (nouv)
- ravarenda Thomas Maurer (nouv)
- Susanne Schild (fin uossa)

6. Tschernas da ravarenda

Ils ravarendas Didier Meyer e Thomas Maurer sun gniesu recepies illa sinoda in occasiun da si'ultima radunanza ed accumpleschan perque la premissa per la tscherna scu ravarendas. La suprastanza sustegna unanimamaing lur tscherna.

6.1 Ravarenda Didier Meyer, ravarenda a Samedan

6.2 Ravarenda Thomas Maurer, ravarenda a Schlarigna ed a Puntraschigna

7. Finanzas

Per l'explicaziun e per ulteriuras infurmaziuns vain rinvio sün l'aggiunta Budget/preventiv 2023.

7.1 Plan da finanzas e plisaziun d'investiziuns 2023-2027 (infurmativ)

La radunanza da la plaiv vain infurmeda üna vouta l'an davart il plan da finanzas actualiso. Quist do sclerimaint davart il svilup presümabel da las finanzas da la plaiv düraunt ils prossems 3 fin 5 ans.

Il plan da finanzas nu cumpiglia üngünas decisiuns da credits; mincha investiziun es da suottametter a l'organ cumpetent per la decisiun. Il böt es quel da garantir finanzas equilibradas i'l decuors dals ans. Causa cha'l plan da finanzas nu stu gnir approvo, vain el preschanto in occasiun da la radunanza da la plaiv be scu infurmaziun.

7.2 Preventiv 2023

In generel:

Il böt da mincha büdschettaziun es ün resultat equilibrio. La suprastanza s'ingascha fich per raggiundscher quist resultat. Il preventiv 2023 serra cun ün **suravaunz dal richev da CHF 12'810.-** .

Il preventiv 2023 as basa sül plan da finanzas 2023 – 2027 scu eir sün las experienzas culs rendaquints dals ans 2019, 2020, 2021 e dal quint curraint dal 2022. Causa las imsüras da CORONA as po que fer conguel culs rendaquints dals ans 2020 e 2021 be cun resalva.

L'introducziun dal model da contabilitad HRM 2 cha la plaiv d'Engiadin'Ota ho realiso dal 2019 s'ho verificada. La preschantaziun dal quint es transparenta ed es dvanteda

pü exacta. Conguels culs quints dals ans precedaints sun pussibels.

Sfidas:

La pü granda sfida per la büdschettaziun es la s-charsezza d'electricited culs predschs d'energia augmantos (electricited ed öli). A basa dals conflicts geopolitics **s'augmaintan ils predschs d'electricited ad ün'otezza fin uossa incuntschainta.**

La crisa dal provedimaint d'energia ho l'an chi vain eir ün effet sün la chascha da la plaiv d'Engiadin'Ota. Tuot las baselgias vegnan s-chudedas cun electricited, las chesas da pravenda dispuonan da s-chudamaints cun öli. Nus retrains l'electricited i'l provedimaint da basa da quatter furniturs da rait, nempe da las ouvras electricas da Samedan e San Murezzan, da Repower e da Energia Engiadina da Scuol. Noss furniturs haun comunicho lur predschs ils 02-09-2022. **L'augmaint s'amunta a 50 – 55% per Samedan, 40 – 50% per San Murezzan e Celerina/Schlarigna, 13% per tuot las vschinaunchas chi retiran l'electricited da Repower e 15% per las baselgias da S-chanf chi retiran l'electricited dad Energia Engiadina.** Causa la reducziun da l'explotaziun da petroli tres la OPEP s'augmaintan cun granda probabilitated eir ils predschs per l'öli da s-chuder.

La suprastanza da la baselgia evangelica-refurmeda Engiadin'Ota ho decis proactivmaing da piglier imsüras. Lotiers tuochan d'üna vart **imsüras da spargner energia tar las baselgias e las immobiglias da refurmo**, da l'otra vart ün augmaint **per 30%** da las **pusiziuns dal preventiv pels cuosts d'energia i'l preventiv 2023.**

Ulteriuras remarchas tar las pusiziuns dal preventiv :

Causa la transiziun i'l temp zieva CORONA s'ho que adatto las pusiziuns dal preventiv correspondentas. Per la Cronica da l'Engiadin'Ota es gnieu fixo ün import. Il credit brüt chi stu gnir approvo da la radunanza da la plaiv vain preschanto in üna tractanda separada tres l'autur da la cronica, Jon Manatschal.

Ils/las ravarendas survegnan spaisas da viedi scu eir da pernottaziun e d'alimentaziun (pusiziun dal preventiv 3920/3170.00) a basa dal **reglamaint da spaisas da la baselgia evangelica refurmeda dal chantun Grischun.** La fusiun da las pravendas da Celerina/Schlarigna e Puntraschigna ho effets positivs sül preventiv.

Entredgias d'impostas e fits da banca :

Tar las **impostas ordinarias** vo il richev da las impostas da baselgia daspö la fusiun be auncha in üna direcziun, nempe vers ingiö. Daspö la fusiun a la Baselia evangelica-refurmeda Engiadin'Ota ils 01-01-2017 ho la plaiv pers passa 700 commembers. Ils motivs sun ün saldo da migraziun negativ, commembers morts e sortidas da la baselgia. Que ho ün effet sün las entredgias d'impostas. Las **impostas a la funtauna** sun ün seismograf dal svilup economic in Engiadin'Ota. La suprastanza parta dal fat chi saja raggiunt il punct il pü bass.

Grazcha a la müdeda da tendenza tals fits da banca fain nus quint cha las entredgias dals fits da banca s'augmantaron ligermaing. Da l'otra vart però **creschiron eir ils fits per ipotecas novas.** Tar nossas ipotecas saro que il cas a partir dal 2024.

A revair

Il preventiv 2023 es l'ultim preventiv chi vain cumpilo da me insembel cun la contabla, Rosina Müller, causa ch'eau desist d'ün'ulteriura perioda d'uffizi illa suprastanza da la baselgia evangelica-refurmeda Engiadin'Ota. Ün ingrazchamaint speciel vo a Rosina Müller. Cun sias preparaziuns excellentas ho ella facilito la büdschettaziun. Ella nun ho neir temma da s'exprimer cleramaing. Grazcha fich Rosina.

Ad Ellas, stimedas damas, ed ad Els, stimos signurs, ingrazch eau per Lur fiduzcha e la pazienzcha demussada invers me e giavüs ch buna furtüna.

Fin e proposta

Stimedas damas, stimos signurs, per finir am permet eau da preschanter ün citat:
„Tuots vöglian trer pü stret la tschinta, ma minchün tschaffutra vi da la tschinta dal chantunais“.

Norbert Blüm, politiker, president CDU/Nordrhein-Westfalen, 1982 - 1998 minister dal stedi per lavur ed uorden social (Germania, 1935 - 2020).

La suprastanza da la baselgia evangelica-refurmeda Engiadin'Ota propuona a la **radunanza da la plaiv d'approver il preventiv 2023.**

Kurt Fischer, mneder finanzas, 2017 - 2022

7.3 Preventiv d'investiziun 2023 *

Guarda l'aggiunta

7.4 Pè d'impostas 2023

La suprastanza propuona da lascher il pè d'imposta sainza müdedas sün 10.5 % da l'imposta chantunela simpla.

8 . Approvaziun quint annuel 2016 il Binsaun

In occasiun da la fusiun dal 2017 sun gniesus approvos tuot ils quints da las plaivs. Il quint da «Il Binsaun» nun es gnieu approvo. Que füss sto l'incumbenza da la conferenza dals presidents da quella vouta chi nu s'ho però pü raduneda scu consequenza da la fusiun. La radunanza da la plaiv «refurmo» dess perque uossa decider davart il quint 2016 da «Il Binsaun».

9 . Chronik «refurmo» Kirchgemeinde Oberengadin, Kredit Fr. 105'000.00

Der Vorstand «refurmo» hat 2018 in eigener Kompetenz einen Beitrag von Fr. 35'000.—aus dem Publikationsfonds ERKO gesprochen. Gerechnet wurde mit Kosten von Fr. 125'000.--. Ein Bruttokredit wurde bisher nicht freigegeben. Dieser Entscheid soll nun durch die Kirchgemeindeversammlung gefällt werden. Das Konzept wird an der Versammlung vorgestellt.

10. Varia, Besinnung und Schlusswort

Zuoz, 07.11.2022

Für den Kirchgemeindevorstand:

President: Gian Clalüna

Mneder da gestiun/
actuar: Markus Schild